



Gerth Mikaelson, Naleraq
Inatsisartunut ilaasortaq
inatsisartut@inatsisartut.gl

**Royal Arctic Line-p umiarsuaatai pajuttaatit sulinermilu pissutsit pillugit § 37
naapertorlugu apeqquteqaammut 2025-017-imut akissut**

Dato: 30-05-2025
Sagsnr.: 2025 - 9978
ID. nr.: 97860371

Asasara Gerth Mikaelson

Inatsisartut suleriaasianni § 37 naapertorlugu Royal Arctic Line-p umiarsuaatai sulinermilu pissutsit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Tasiilami Royal Arctic Line A/S nutaamik nunaqarfinnut pajuttaatitaarnikuupput. Taanna pajuttaat angivallaarami, Naalakkersuisut pajuttaammik allamik nunaqarfinnut tulattarfinnut mikinerusunut naleqqunnerusumik pitaarnissamik pilersaaruteqarnerluni?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup akissutissamik Royal Arctic Line A/S pissarsiniarfigaa. Royal Arctic Line A/S imaattumik ilisimatitsissuteqarpoq:

“Islandimiut umiarsuaatileqatigiiffiannut Eimskip-imut VSA pillugu suleqatigiinnissamut isumaqatigiissusiortoqarnerata kingorna Royal Arctic Line-p Kalaallit Nunaata Kangiani umiarsuarnik angallasseriaaseq allannortippaa. Siornatigut Royal Arctic Line aasaanerani sapaatit akunneri pingasut missaannik akuttussusilinnik Tasiilamut tikittarpoq, tassanngaanniillu usit angallat minnerusoq atorlugu nunaqarfinnut ingerlateqqinneqartarput.

VSA pillugu suleqatigiinnissamut isumaqatigiissusiortoqarnerata kingunerisaanik umiarsuit lmarpik ikaarlugu angalasartut Tasiilamut tikittarunnaarput – ilaatigut umiarsuit angissusii, ilaatigut kraneqannginneri peqqutaallutik. Taamaattumik aaqqiissutissatut Nanoq Arctica maanna Tasiilamut nunaqarfinnullu eqqaaniittunut prammunik ikiorneqarluni sullissisussanngorlugu – periaaseq aamma ilatigut Upernavimmi, Uummannami Qeqertarsuullu tunuani atugarput ikiorsiullugu – ornigutsinneqartalerpoq. Taamatut aaqqiinnermi tikittarnerit akulikinnerulerput, aammalu Reykjavikimiit toqqaannartumik pilersuisoqartalerpoq, taakkulu ataatsimoortillugit Kalaallit Nunaata kangianut pilersuinnermut pitsannguutaasutut naliliiffigineqarput. Piffissamik angallaviusumik Malik Arctica ammaasarpoq matusisarlunilu.”

Royal Arctic Line ilisimatitsissuteqanngilaq, maanna aaqqiissutaasoq atorlugu Tasiilap eqqaanilu nunaqarfiit angallavigineqarneri pitsaanerulersutut isikkoqarmat, umiarsuit assartuutit minnerusut atorunnaarsinneqarnissaannik pilersaaruteqartoqarnerisq.

Apeqquut 1a: Taamaannngippat tulattarfeqarnerit anginerusunik, imaluunniit allami inissisimasumik Naalakkersuisut pilersitsiniarnerlutik?

Akissut: Naalakkersuisut maannarpiaq Tasiilami nunaqarfiinilu talittarfinnik annerusunik sanaartornissamut pilersaaruteqanngillat.

Apeqquut 2: Pajuttaatip nunaqarfiit talittarfiinut angivallaarujussuurtup usilersornerata usingiarneratalu nalaani sulisut suliffimmi pitsaasumik atugassaqaartinnissaat qulakkeerneqarnikuua?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfimmiit Royal Arctic Line usinik suliaqarnermini inatsisit atuuttut imaluunniit isumannaallisaariaatsit pitsaasut nalinginnaasut uniorlugit sulisitsisarnersq ilisimaneqanngilaq.

Apeqquut 2a: Taamaassimassappat, suliffimmi pitsaasunik atugassaqaarnissaq qulakkeerniarlugu qanoq iliornissamut malittarisassat suut Royal Arctic Line A/S-imit malinneqarpat? 2b. Taamaassimannngippat, pissutsit pitsannngorsarniarlugit Naalakkersuisut pilersaaruteqarpat?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup Royal Arctic Line A/S akissummik piniafigaa, tassanngaanniillu imaattumik ilisimatitsissuteqartoqarpoq:

"Royal Arctic Linep umiarsuaataani International Safety Management (ISM) malinneqarpoq, tassanilu suliassanik assigiinngitsunik suliaqarnermi suleriaatsinik suliassallu ingerlanissaannik nassuiaasiornissaq siunertarineqarpoq. Aamma umiarsuit isumannaallisaanermut aaqqiissuussinernik malitassaqarput, taakkunanilu isumannaallisaanerup suleriaatsillu qisuariafigineqarnissaat siunertarineqarpoq.

ISM-imi suleriaaseq inatsisit atuuttut naapertorlugit imarsiornermut aqutsisoqarfimmit misissuiffigineqartarpoq. Inatsit taanna aqutugalugu umiarsuit suliassani, imarsiornermi sullivinni avatangiisinut siunnersuisoqatigiinnit "SEA HEALTH & WELFARE: Imarsiornermi sullivinni avatangiisit toqqissisimanerlu", software aqutugalugu aqunneqartoq atorlugu Ulorianartorsiorfinnik Naliliinissamut pisussaaffiligaapput.

Apeqquummut tunngavilersuummi allassimavoq:

"Tamannalu ajorluartumik Kuummiuniillunga tusarpara qineqqusaarnitta nalaani oqaatigineqarmat allaat inuup inuuneranik naleqarsimasq pajuttuinerup nalaani. Tamanna ajorluinnarpoq, aaqqittariaqarpoq."

Ineqarnermut, Attaveqaasersuutitut Isorliunerusunullu Naalakkersuisoqarfik Kuummiuni talittarfimmi Namminersorlutik Oqartussanit pigineqartumi toqusoqarsimaneranik ilisimasaqanngilaq. Namminersorlutik Oqartussat umiarsualiviutaani toqusoqartillugu suliat Kalaallit Nunaanni Politiinit isumagineqartarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluq B. Egede